

新脩萊蕪縣志序



邑之志卽國之史也國史所弗及詳者
於志乎詳之如山川阨塞人物盛衰風
俗利病無不書凡令受事之日邑父老
必以志進初謁當事例亦以志爲贄將
使其地之宜因宜革者灼然于令之胸

葉序一

中而後達於上以施於下故纂輯綦重
萊邑處萬山之中最僻而小然在羸博
之間如汶陽夾谷皆屬境內寔名區也
考志始於宋鍾離會而世遠文亾有闕
如之嘆陳胡二志簡畧濶疎亦逾甲子
矣

本朝定鼎垂三十年蠲荒糧遷兌次恤驛卒
所以加惠元元者去其最苦而與民以
所欲得是可缺然弗書以無聞于後乎
予自貴陽司李改授茲邑訪夫子觀禮
之處登孟止之亭喟然興感若見古聖
賢于羨墻也而服膺尤切者爲范公史

葉序二

雲范公身未到官時人歌之無他信其
廉也廉者不汲汲於自爲必孜孜于爲
民周官六計皆冠以廉豈以爲獨善之
名而無及于民也乎范公未嘗治民而
民信之則凡爲民受治者可思矣予故
以景范名堂而符其則做之意然躊躇

於撫字催科者心未常弗勞也方欲博
稽舊聞綜核新政續脩志乘以備採風
會

今彙纂一統全志則萊雖僻小乃齊魯
名義之邦其間往蹟足以有光

國史余特遠諏近訪爨凡起例謹遺漏嚴
葉序三

冒濫兩閱月而書成以是正于學博譚
君琮鄉先生觀察張公四教僉曰所因
所革凡以爲民者誠可達于上而施于
下則後之繼予者由之以追溯范公無
難矣前于予者今水部鍾公赤松惠政
在人志不勝載輯志甫成以超擢去循

而述之予固處其逸而水部任其勞是
又予之幸也夫 時

康熙十二年歲次癸丑長至日

賜進士出身文林郎前貴陽府推官改知萊

蕪縣事葉方恒撰

葉序四

脩萊蕪縣志序

按萊之有志也自宋縣尉鍾離務始邈哉尚矣後之創脩者爲明嘉靖副陳公葺甬其文亦尠集見焉逾甲子而萬曆間胡公士奇重脩之今又逾甲子矣天道三十年一變暨再變焉况運際

龍飛乾章百辟維新

功令之所頒卽爲羣牧之所守長茲土者郵遞視之將前此無傳後此固述幾同黜明派尤菴藹荒墨鞞軒何以採風車書何以一同哉夫邑有志國有史也周禮小史

鍾序一

掌邦國之志外史掌四方之志重之也邑匪志于歷代之沿革人材之消長風俗之澆淳地方之利病財賦之贏絀今古同窳欲上以副

功令下不拂乎時宜經權劑量弗鏡諸穰幾何而不胥于溺也走下車嗟邑廬荒落人民彫疲恒焉心惻及見山川開滌紳衿雅重又瞿然增氣卽慨然有復古之思邈稽前志傷其淪亾得胡公士奇本攷茲甬更曠之邈邈

先生張公圖教于註山川風俗古蹟物產廟寺一卷二學博丁公似毅稽其學校師儒餘則廣詢諸文學耆

必得故寔政事之暇授經史以證之勒成一書重嘆今昔之殊也夫昔之萊固沐浴詠歌之區也自我馬生郊再罹兵革戶口流亡已十之五土田荒蕪十之四村落殘破者十且七八矣惟正之供責寔在者之包荒甚至豪右寄庄土著肩其重累驛騷枉道里甲代其瘁瘖起運則包頭按戶而派興役則閭保計丁以從且匠班皮角之賦于司空栽柳浚河之督于水部萊安得而不窮乎或告曰繇來者漸矣治之非一事成之非一日牧之非一人欲空言補救進今萊而古之良難走曰然乎否

鍾序二

也今之萊由古之萊也以今觀古直曰古也以古自視猶之今也後之視今即今亦古也古古今今視爲損益而治法升降燦然列矣夫窮則必變變則通通則以志之脩也通變以宜民者也使後之令茲土者觀斯志而思之則必有法以善其後者則政簡而治清否則勿循其舊也使紳衿父老觀斯志而思之則必有法以善其後者則風移而俗易否則勿循其舊也使

當事大夫觀斯志而思之則必有法以善其後者則化馳而若神否則勿循其舊也一事易行也一日易辦也

一人易持也勢不皆于一故志之志之者俟之也禮樂以俟之君子求志之走亦志之于以備

聖天子輶軒之採車書一同之盛達者觀風尚而定興衰其遺萊矣夫

知萊蕪縣事山陰鍾國義書

鐘序二

萊蕪縣原志序

嘉靖甲辰余試政都省迺冬奉萊蕪檄入其境望羊祜之
巔吊史雲之祠陟安期之山訪孟止之亭求季嗣之墓庶
存悲仰愴然一時延父老不能談質文志而未昉喟曰閔
哉茲典比邑務狼籍多于志闕欲講弗遑也踰年一日會
明倫羅學子數人構省郡成書授以纂草值脩朝覲濱行
楊生旌伯等亦畧草二帙始閱而載採未備再閱而疑訛
未析三閱而品次未章難于入稗也寢之又年矣丁未二
之日爲余叨滿期邑人士暨諸寮與執爵請曰君入羸三

萊蕪縣志

卷之一

歲脩敝葺頽率有成績君舉縣書獨無成是行得無憾乎
哉余惟志也者載故而飭寔也故敘古而畧者遺沿俗而
誤者誕校讐而淆者爭有一于是難以徵遠矧萊當肇志
而兼三議茲余所爲愚者于是僚士諸人復執爵進曰願
君無辭爲猗惟我皇明建茲匪一日吏茲匪一人而鉛槧
不存寔錄無著者其初不專因循而或居避忌也設君復
持后恤是志終無成日矣乃引子厚議退之避史錄不就
以志比史錄利害重輕反復言之余議不可爰退檢舊帙
稍稍攷訂新一邑之紀表古賢之蹟出以應所請曾未崇

日之功爾噫是書出非以信今將俾今不吾信而吾辨也
非以傳後將俾後不吾傳而吾正也辯已正已斯爲成書
而曷恤乎不吾信與傳昔者遷史之失溫公之缺子由糾
之補之遂附爲古史以明示後世追錄聖賢識者凡以歸
諸失缺之功爲二司馬之幸今之邑志非古列國之史與
嗚呼而今而後吾安得有如宋蕪子者

古陶甫少渠陳其兩撰

萊蕪縣舊志序

嘉靖癸巳予以部主事差徐取道萊蕪見川山斗峻風物
朴茂距吾章僅百里止聞爲山邑不知其亦一樂土也詢
之故老則云時平而耕牛遍野兼之樵蕪足以糊口或郊
多走馬則若柵團結亦可免于寇兵但尚氣貫勇號稱難
治長吏若善導之寔力于用也予素喜堪輿之學隨所之
即欲訪問封土沃磽民風敦薄時李令逆于境上首索縣
志觀之答以自昔未有令欲脩之恐未精也然而有所待
爾山東通志初成適方巡以一帙見寄遂披閱之客中攜

萊蕪縣志

卷之一

三

書不多參以齊魯懷宇記一統志輿地三齊等記迺知縣
名萊蕪漢所置也國朝因之周爲夾谷唐入博城宋詩慶
府歷代分屬割裂雖有異同然屬泰安獨多國朝亦因之
其大凡雖可考見而其詳則無田與知罷歸林下八年于
茲矣章志雖云草創尚未敢出以示人而少渠陳君子政
務叢集之餘號稱難治之地迺能撫故寔探新聞而爲萊
蕪一佳志予之閒居無事者有媿多矣陳君尹萊三年矣
報政在即使使持書以序文見委予恨不得見萊志者十
有六年今何幸見其志而又以序人託其端哉人之言曰

世後而文繁如釋官小說盟巷譚言劣詩填文無益身心
不關政教足誠繁矣而志也者額可少哉九丘邈矣夏周
職貢秦漢即熟唐晉十道宋述九域今據其書雖後千百
載而此身如在當時不觀乾象豈知泰安爲角宿之根不
察地紐誰識成池通方城之險是故志圖考而萊之城境
縣治學圖備矣志地理而萊之沿革封疆鄉保形勝街里
市集叙矣志貢賦而萊之土口差糧戶口及倉庫物產悉
矣建設志而城池公署郵傳坊表津梁祠祀古蹟無不具
見政教志而學校風俗秩官名宦下及兵防無不兼該人
萊蕪縣誌

卷之一

四

物志而鄉賢孝義貞烈科貢如在日前文章雜志而碑墨
序記雜著八景如指掌上無一字之虛文爲千載之實錄
陳君青年博學有規措之才警敏之智臨政畧無難色而
綽有能聲刑清事簡有餘力而焉是舉固有以也予雖間
而神疲志怠章志宜其無成也雖然請教容有日矣
賜進士出身中順大夫太常寺少卿致仕前吏部文選司
郎中章立中麓山人李開先撰

萊蕪縣增脩志序

郡邑吏始謁當途例得以志爲贄小子奇承乏蕪山樞趨諸貴公隸人持邑志見告披閱一過疑信雅俗俱不可知但聞其脩于滇南王令授簡魯學博蓋在今上萬曆丙申秋也相距數十年墨守舊章其間豈無興革方冊闕如後有作者漸成軼事適元給諫先生以奉使歸里式廬問政相與揚摧邑乘共對唏噓頗有文獻不足之感簿書旁午未皇脩舉秋杪謀諸先生約與更始先生以吏屬掌記當煩校讐余謂非常之原必得宗公巨眼然後筆底春秋且

晉魏以來國史家乘遞相沿襲甚且夷爲野史萊于今日亦禮失而求諸野然一經大創其作始艱其徵信遠宮汝不朽此書亦不朽稿旣脫先生以使竣報命雍時李公相繼趨闕下請假暫歸有計部吳公先生以詮次相屬是書也秉筆登壇給諫爲政計部公寔受成事鉞勒之役則有司存

知萊蕪縣事濠上胡士奇書

重修萊蕪縣志序

明興我文皇帝御極詔郡邑纂脩地志其時萊業有志今莫可考鏡云嘉靖中莆田陳公來令是邑蒐羅故寔創爲一書垂今五十年餘中間風尚有醇漓文物有衰盛歲異世殊莫可仍也今滋陽魯公銜命來振鐸茲土取舊志覽之輒增慨曰夫志也事貴核寔文尚明信其有出于舊志之前而未能紀者當補書有出于後而未及紀者當續書有法于臚言風聽溷厠無倫者當訂正書乃謀諸邑侯王公學博劉公及邑諸士夫輩割俸捐貲共襄其事凡五閱

萊蕪縣志

卷之一

七

月而告竣不佞獲手讀之見其分卷著類刪繁去贗人各爲傳事摠爲斷大要不掩寔不溢美一以標隱行厲世風爲主其事則諸君子之所採摭其義則魯公之所獨裁也較之前志大綱細目亦既章章稱備矣信不朽之鴻編誠一邑之寔錄噫嘻魯公之注意其殷以篤乎吾萊之文獻其日以新乎由之法今傳後徵往俟來俾覽者稽宦牒而思治暗鄉評而思賢觀山川土田而思興廢之故考民風產而思隆替之倪庶幾哉聖賢過化之故疆臻俗美風同之盛于以上翼我大明統一之化者與有賴也其爲吾

邑長價當亘古常新已魯公英齡博雅士類著鑑鼓鑄之
暇成此懿舉竚埃出入清華載筆承明爲國史持衡也萊
志云乎哉余朽鈍弗能文竊附世講樂觀鄉史有成且以
復公之命敢僭序如此

邑人吳來朝撰

新脩萊蕪縣志

凡例

一志名新脩重

新朝也萊志始于宋尉鍾離脩弗可考矣撰于明嘉靖之

陳公者爲舊志如重脩增脩皆在萬曆年間

新朝定鼎以來將三十年前令鍾君纂輯未竟予所引用

各註于本條下原所自也其不書所出者皆新入

一志分十卷卷中款項各弁以序卷後有跋語或從原

志或斷以臆見大約在前者新脩在後者舊本

萊蕪縣志

卷之一

九

一建置舊蹟雖廢必書重掌故也

一秩官功崇德懋已入名宦者有傳其可備崇祀者謹

列之以俟將來外有一二可採者書本名下以備參

考

一人物惟祀于鄉賢祠者有傳其有待公舉者特立傳

以俟論定如見聞所弗及姑闕以俟後人

一制誥爲王言之載在國史譜入家乘從無採入誌

書之例謹爲刪削

一闡幽旌淑首重節烈使窮簷菲屋之婦皆得藉以育

聞于世而節婦查往例非奉旌表者不錄然荒山下
戶無階上達勢將湮沒故原志所載既不忍刪新入
者猶恐遺漏當廣爲搜訪以俟續脩

一舊志補遺載李格非之女易安爲萊蕪人誤入章丘
志細查亦無確據且止擅才華無關節烈未敢溷入

知萊蕪縣事葉方恒學厚父識